

Et wor su: Ming Schwester, die zehn Jahr älter wor, se es, Gott hab sie selig, verstorve, un die wor grad ens villleich e Jahr ald, do hät de Mutter sich mem Vatter om Heumaat verabredt ungerm Stätz. Kölsche wesse, wat dat es. Friedags gov et jo immer Geld. De Mutter wor alsu vürher nohm Chef gegange. Weil der Vatter vun der Baustell kom, hatt de Mutter beim Chef et Geld avgehollt, et Lohntütche.

Jedenfalls wor et esu, der Vatter kütt op eimol un süht ene Auflauf vun Minsche un meddedren su e klei spetz Mötzche. Do hät e gedaach, dat es doch uns Drügg, dat kleine Würmche, kom drop aan - wat wor passiert? Se hatten der Mutter die ganze Lohntüt met däm Wocheluhn geklaut. No künt ehr üch vürstelle, dat wor nüngsehnhunderteinunzwanzig, dat wor e Drama. Jedenfalls, wie de Mutter dat gemerk hät, hät se natörllich furchbar aangefange ze kriesche.



1043 Köln - Heumarkt und St. Maria  
Ungerm Stätz

Do kom ene Mann un hät gesaht: “Fräuche, wat es loss?”

“Jo, su un esu.”

“Oh”, hät dä Mann gesaht, “no hört ens dat Kriesche op! Jetz maache mer Folgendes.”

Dä trommelte allerhand Lück eraan un dät verzälle, wat passiert wor. Dann hät e singe Hot genomme un gesammelt. Un jetz kom der Vatter alsu dozo.

Wat wor passiert? De Mutter säht: “Ich hatt dreimol esu vill Geld wie en däm Lohntütche wor.” Und ich ka' mich erennere, bei uns zu Hus, ich kenne dat jo nor vum Verzälle, bei uns zo Hus wor dat esu en stehende Redensaat: “Mutter, wann geihns de noch ens am Heumaat kriesche?”

### Angerstein, Annelore (85): *Ungerm Stätz*

ʔet vɔ zu: mɪŋ ʃvɛstɐ di tʃɛ:n jɔɕ ʔɛldɐ vɔɕ zi ʔis gɔt hap\_sɪ zɛ:lɪŋ ʔes:ə fɛʃtɔxvə ʔɔn di va· gʁa:də mal  
fɪ'lɛɪŋt ʔə jɔ: ʔalt da hat:ə mɔtɐ zɪŋ mem fate ʔom 'hɔɣma:k fɛ'ʔapxɛ:d\_ɔŋɛrɛm ʃtɛʃ kœlfə vesə vad:at  
ʔes ʔɔn 'fʁi:das jɔ:v\_ət jɔ ʔɪmɐ jɛlt ʔɔn dɐ mɔtɐ vɔ ʔalzɔ 'fy:ɣhɛ:ɕ nɔ'm ʃɛf jɛjanɐ vɪ dɛɕ fate fɔn dɐ  
'baʊʃtɛl kɔ'm hat:ə mɔtɐ bɛm ʃɛf ʔət jɛl't 'ʔafjɛho'lt ʔət 'lo'nty:tʃɛ 'jɛ:dŋɛnfals fɔ:x\_əd\_ə'zu: dɐ fate kyt  
ʔop 'ʔɛɪmɔl\_ɔn zi:d\_ənɐ 'ʔaʊflaʊf:ɔn mɪnʃɐ ʔɔn mɪdɐ'dɛɪn zi:t\_ə zɔ\_ə kleɪ: ʃpɛʃ mɔʃtsjɐ da hɛt\_ə jɛda:  
dat ʔes dɔx ʔɔns tɔɣk dat kleɪnɐ vɣ:ɔmʃɛ kyt:ɔop ʔa:n vat vɔ pa'sɛ't sɐ hatɛn dɐ mɔtɐ di jantʃɛ lo'nty:t  
mɛ:t:ɛm 'vɔxɛlu:n jɛklaʊt nɔ kynd\_ɐ 'fy:ɕʃtɛlə dat vɔɕ 'nɔɣntʃɛnhɔndɛt'ʔaɪnɔntʃ,vantʃɪŋ dat vɔ:x\_ə  
'dɛa:ma 'jɛ:dŋɛnfals vɪ dɐ mɔtɐ dat jɛmɛɔk hɛt hɛt\_sɐ na'tɣlɣŋ fɔɔʃba 'ʔa:njɛfanɐ tʃɛ kɔi:ʃɐ ʔɔn dɔ  
kɔ:m\_ənɐ man ʔɔn hɛt jɛza:t fɔɔɣ:ŋɐ vat ʔes\_ŋ pa'sɛ't ja: su\_ɔn\_ɛsu: ʔɔ: hɛt:ɛ man jɛza: nu hy'd\_ŋs dat  
kɔi:ʃɐ ʔop jɛʃ ma:xɐ mɐ fɔljɛndɛs dɛ tɔɔmɛltɐ 'ʔalɛhan\_klɣk\_ə'ɛa:n ʔɔn dɛ:t fɛʃʃɛlə va pa'sɪɕt vɔ: ʔɔn  
dan hɛt\_ə zɪŋɛn ho:t jɛnɔmɐ ʔɔn hɛt jɛzamɛlt ʔɔn dan kɔ:m dɐ fate ʔalzɔ dɔ'tʃɔ: ʔɔn vat vɔ: pa'sɪɕt dɐ  
mɔtɐ zɛ:t ʔɪŋ:at:ɔɛɪmɔl\_əzu fɪl jɛlt ʔals vɪ\_en dɛm 'lo'nty:tʃɛ vɔ ʔɔnt\_ŋ ka\_mɪŋ ʔɛ'ʔɪnɛxɐ baɪ ʔɔns tʃu  
hus ʔɪŋ kɛnɐ das ja nuɕ fɔm ʔɛ'tʃɛ:lɛn bɛ ʔɔns tʃɔ hɔs vɔ: dat ʔɛzɔŋ ʃtɛ:ɛndɐ 'ɛ:dŋsa:t mɔtɐ van jɛ:s  
dɐ nɔx\_ɛns ʔam 'hɔɣmat kɔi:ʃɐ